



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-110/26-I
Brčko, 30.12.2025. godine

Z A P I S N I K
sa 275. sjednice Pravosudne komisije Brčko distrikta BiH
održane 30.12.2025. godine, u 08,30 sati sa slijedećim

Dnevni m r e d o m

1. Usvajanje zapisnika sa 274. redovne sjednice Pravosudne komisije Brčko distrikta BiH
2. Prijedlog Plana rada Pravosudne komisije Brčko distrikta BiH za 2026. godinu
(izvjestilac: Rade Mitrović)
3. Plan stručnog usavršavanja službenika i namještenika u pravosuđu Brčko distrikta BiH za 2026.godinu
(izvjestilac: Rade Mitrović)
4. Prijedlog godišnjeg izvještaja o sprovođenju Plana integriteta Pravosudne komisije Brčko distrikta BiH za 2025. godinu
(izvjestilac: Rade Mitrović)
5. Utvrđivanje revidirane liste pitanja za pismeni test iz oblasti utvrđenih programom polaganja ispita za rad u organima uprave i propisa koji regulišu rad pravosuđa za 2026. godinu
(izvjestilac: Rade Mitrović)
6. Upit notara sa službenim sjedištem u Brčko distriktu BiH, molba za davanjem instrukcija u pogledu postupanja i primjene Zakona o sprečavanju pranja novca i finansiranja terorističkih aktivnosti BiH i molba za organizovanjem edukacije za notare i njihove uposlenike u cilju pravilne primjene Zakona o SPN/FT i Zakonom o zaštiti ličnih podataka
(izvjestilac: Rade Mitrović)
7. Razmatranje izvještaja povodom seminara za službenike i namještenike u pravosuđu Brčko distrikta BiH za 2025.godinu, koji je od strane edukatora Kadribašić Adnana održan dana 12.12.2025. godine u Brčkom, sa temom „Unapređenje znanja i podizanje nivoa svijesti o rodnoj ravnopravnosti“
(izvjestilac: Rade Mitrović)
8. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1384/25-I od 28.11.2025. godine
(izvjestilac: Rade Mitrović)
9. Donošenje odluke o imenovanju referenta za upravljanje predmetima u Osnovnom sudu Brčko distrikta BiH, na neodređeno vrijeme
(izvjestilac: Rade Mitrović)
10. Razno

PRISUTNI SU:

1. SAFET PIZOVIĆ, predsjednik Komisije,
2. MIRSAĐ ĆEMAN, sudija Ustavnog suda BiH, putem telefona,
3. DAMJAN KAURINOVIĆ, predsjednik Apelacionog suda Brčko distrikta BiH,
4. DRAGAN TOMAŠ, predsjednik Osnovnog suda Brčko distrikta BiH,
5. RADMILO IVANOVIĆ, v.d. glavnog tužioca Tužilaštva Brčko distrikta BiH,
6. DEJAN ĐUROVIĆ, pravobranilac Pravobranilaštva Brčko distrikta BiH,
7. MEHMED BEČIĆ, član Komisije iz reda građana, putem telefona,
8. MILIVOJ VASIĆ član Komisije iz reda građana,
9. IVAN LOVRIĆ, član Komisije iz reda građana.

Sjednica je počela u 08,32 sati.

Konstatuje se da sjednici lično prisustvuje sedam članova Komisije, te da su Mirsad Ćeman, sudija Ustavnog suda i Mehmed Bečić, član Komisije iz reda građana, prisutni putem audio linka. Sjednici prisustvuje i sekretar Komisije, Rade Mitrović.

Predsjednik Komisije otvara 275. redovnu sjednicu Pravosudne komisije s predloženim dnevnim redom, i predlaže da se dnevni red dopuni na način da se iza predložene tačke 4. doda nova tačka 5. koja glasi: „5. Prijedlog Odluka o utvrđivanju dodatka za posebne uslove rada“, iza dosadašnje tačke 9. da se dodaju nove tačke 10, 11, 12, 13, 14, i 15. koje glase: tačka 10: „10. Prijedlog za utvrđivanje plate privremeno premještenom službeniku“, tačka 11: „11. Zaključivanje ugovora o obavljanju pripravničkog staža u Kancelariji za pravnu pomoć Brčko distrikta BiH“, tačka 12: „12. Donošenje rješenja o raskidu ugovora o volonterskom radu sa Admirom Peleš Memišević, volonterom u Kancelariji za pravnu pomoć Brčko distrikta BiH“, tačka 13: „13. Zaključivanje ugovora o radu na neodređeno vrijeme sa higijeničarkom u Pravosudnoj komisiji Brčko distrikta BiH“, tačka 14: „14. Donošenje rješenja o prestanku radnog odnosa na određeno vrijeme, Daliborki Vujanović, higijeničarki u Pravosudnoj komisiji Brčko distrikta BiH“ i tačka 15: „15. Rang lista sa preporukom za izbor operatera-upisničara u Pravobranilaštvu Brčko distrikta BiH, na neodređeno vrijeme“.

Slijedom predloženih dopuna, numeracija tačaka se pomjera, tako da tačka Razno postaje tačka broj 17.

Konstatuje se da je predloženi i dopunjeni dnevni red usvojen jednoglasno.

1. Usvajanje zapisnika sa 274. redovne sjednice Pravosudne komisije Brčko distrikta BiH

Konstatuje se da je zapisnik sa 274. redovne sjednice Komisije usvojeni jednoglasno i bez primjedbi.

2. Prijedlog Plana rada Pravosudne komisije Brčko distrikta BiH za 2026. godinu

Nakon obrazloženja i provedene diskusije, Komisija je jednoglasno usvojila prijedlog Plana rada Pravosudne komisije Brčko distrikta BiH za 2026. godinu.

3. Plan stručnog usavršavanja službenika i namještenika u pravosuđu Brčko distrikta BiH za 2026. godinu

Nakon obrazloženja, Komisija je jednoglasno usvojila Plan stručnog usavršavanja službenika i namještenika u pravosuđu Brčko distrikta BiH za 2026. godinu.

4. Prijedlog godišnjeg izvještaja o sprovođenju Plana integriteta Pravosudne komisije Brčko distrikta BiH za 2025. godinu

Nakon obrazloženja, Komisija je jednoglasno usvojila godišnji izvještaj o sprovođenju Plana integriteta Pravosudne komisije Brčko distrikta BiH za 2025. godinu.

5. Prijedlog Odluke o utvrđivanju dodatka za posebne uslove rada

Nakon obrazloženja, konstatuje se da je Komisija jednoglasno donjela sljedeću

O d l u k u

Član 1

Ovom odlukom su utvrđena radna mjesta u pravosuđu Brčko distrikta Bosne i Hercegovine, koja ostvaruju pravo na trajni dodatak za posebne uslove rada i visinu tog dodatka u iznosu od 20% (dvadeset posto) osnovne plate za efektivno radno vrijeme.

Član 2

Radna mjesta iz člana 1 ove odluke su utvrđena i razvrstana u okviru određenih pravosudnih institucija Distrikta, i to:

1. Apelacioni sud:
 - referent – operater – asistent;
2. Osnovni sud:
 - operater – referent zemljišno-knjižnih poslova;
 - referent za upravljanje predmetima;
 - operater – referent za ovjeru;
 - operater – upisničar izvršenja prekršajnih sankcija;
 - referent za unos dokumenata;
 - referent za prinudnu naplatu (sudski izvršitelj);
 - sekretarica predsjednika Osnovnog suda;
 - pomoćnik sekretara suda;
 - arhivar;
 - referent – operater – asistent;
 - vozač – kurir;
 - referent na otpremi pošte;
 - kurir;
3. Tužilaštvo
 - operater – upisničar;
 - operater – asistent;

- arhivar – operater;
- kurir – vozač;

4. Pravobranilaštvo:

- operater – upisničar;
- operater – asistent;
- kurir – vozač;
- radnik na prijavnici i obezbeđenju;

5. Kancelarija za pravnu pomoć:

- istražitelj;
- sekretarica direktora – asistent;
- operater – asistent;
- arhivar – operater.

6. Pravosudna komisija:

- sekretarica predsjednika-asistent;
- operater-asistent za opšte administrativne poslove;
- operater-asistent za poslove personalne evidencije i zapošljavanja;
- operater – asistent za upravljanje privremeno oduzetom imovinom;
- vozač-kurir;
- radnik na prijavnici i obezbjeđenju;
- radnik na održavanju-domar;
- službenik finansija i računovodstvene službe;
- tehničar za informacione tehnologije;
- referent za unutrašnju kontrolu i sistem tehničke zaštite;
- operater na sistemu tehničke zaštite.

Član 3

Ova odluka stupa na snagu danom donošenja, a primjenjuje se od 01.01.2026. godine.

6. Utvrđivanje revidirane liste pitanja za pismeni test iz oblasti utvrđenih programom polaganja ispita za rad u organima uprave i propisa koji regulišu rad pravosuđa za 2026. godinu

Nakon obrazloženja i provedene diskusije, Komisija je utvrdila revidiranu Listu pitanja za pismeni test iz oblasti utvrđenih programom polaganja ispita za rad u organima uprave i propisa koji regulišu rad pravosuđa za 2026. godinu za VSS/VŠS, SSS i namještenike.

7. Upit notara sa službenim sjedištem u Brčko distriktu BiH, molba za davanjem instrukcija u pogledu postupanja i primjene Zakona o sprečavanju pranja novca i finansiranja terorističkih aktivnosti BiH i molba za organizovanjem edukacije za notare i njihove uposlenike u cilju pravilne primjene Zakona o SPN/FT i Zakonom o zaštiti ličnih podataka

Nakon obrazloženja, Komisija je jednoglasno donjela zaključak da se uputi odgovor notaru sa službenim sjedištem u Brčko distriktu BiH, prema prijedlogu Stručne službe Komisije.

8. Razmatranje izvještaja povodom seminara za službenike i namještenike u pravosuđu Brčko distrikta BiH za 2025. godinu, koji je od strane edukatora Kadribašić Adnana održan dana 12.12.2025. godine u Brčkom, sa temom „Unapređenje znanja i podizanje nivoa svijesti o rodnoj ravnopravnosti“

Nakon obrazloženja i provedene diskusije, konstatuje se da je Izvještaj o realizovanoj edukaciji na navedenu temu jednoglasno usvojen te da Komisija jednoglasno donosi

O d l u k u

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Unapređenje znanja i podizanje nivoa svijesti o rodnoj ravnopravnosti“, održanom dana 12.12.2025. godine u Brčkom, edukatoru Adnanu Kadribašiću, isplati iznos od 741,78 KM (sedamstotinačetrestjednukonvertibilnumarku i 78/100).

9. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1384/25-I od 28.11.2025. godine

Nakon obrazloženja, konstatuje se da je Komisija jednoglasno donijela sljedeću

O d l u k u

o imenovanju komisija za zapošljavanje po javnom konkursu broj:
SuPK-01-1384/25-I od 28.11.2025. godine

I Imenuje se komisija za zapošljavanje sudskog policajca u Sudskoj policiji Brčko distrikta BiH (na neodređeno vrijeme), u sastavu tri člana:

1. Rade Mitrović, predsjednik,
2. Ivica Jurić, član,
3. Vedad Osmanović, član.

II Imenuje se komisija za zapošljavanje referenta-operatera-asistenta u Osnovnom sudu Brčko distrikta BiH (na neodređeno vrijeme), u sastavu tri člana:

1. Smajila Kikić, predsjednik,
2. Zoran Rakanović, član,
3. Stanislava Kikić, član.

10. Prijedlog za utvrđivanje plate privremeno premještenom službeniku

Nakon obrazloženja, konstatuje se da je Komisija jednoglasno donijela sljedeću

O d l u k u

o utvrđivanju plate za privremeni premještaj

Član 1

Mijić Blaženki, zaposlenoj na poslovima „referent-operater-asistent“ u Osnovnom sudu Brčko distrikta BiH, koja je na osnovu Rješenja o privremenom premještaju broj: 096-0-Su-25-

005520 od 17.12.2025.godine, donijetog od strane predsjednika Osnovnog suda Brčko distrikta BiH, privremeno premještena na radno mjesto „Viši stručni referent jednošalterskog sistema“, počev od 05.01.2026.godine, utvrđuje se bruto plata za radno mjesto na koje je premještena, a koje je razvrstano u okviru VII (sedmog) platnog razreda, VI (šesti) podrazred, koeficijent 2,674976, u iznosu 3.324,94 KM (trihiljadetrinstotinedvadesetčetiri i 94/100), odnosno osnovna plata u iznosu od 2.310,91 KM (dvijehiljadetrinstotinedete i 94/100).

Član 2

Plata i drugi dodaci na platu imenovane iz člana 1 ove odluke, za radno mjesto na koje je privremeno premještena, isplaćuju se počevši od 05.01.2026.godine pa do povratka odsutnog službenika kojeg mijenja.

Član 3

Osnovna plata imenovane iz člana 1. ove Odluke povećava se za 0,30% (nulazareztridest posto) na osnovnu platu za svaku navršenu godinu radnog staža.

Član 4

Ova odluka stupa na snagu danom donošenja.

11. Zaključivanje ugovora o obavljanju pripravničkog staža u Kancelariji za pravnu pomoć Brčko distrikta BiH

Konstatuje se da je Pravosudna komisija jednoglasno donijela odluku o zaključenju ugovora o obavljanju pripravničkog staža na određeno vrijeme sa punim radnim vremenom između poslodavca Pravosudne komisije Brčko distrikta BiH i pripravnika Admire Peleš Memišević, iz Brčkog.

Ugovor o obavljanju pripravničkog staža zaključuje se na određeno vrijeme, odnosno do sticanja uslova za polaganje pravosudnog ispita, i traje počev od 09.01.2026. godine pa do 03.06.2027. godine.

12. Donošenje rješenja o raskidu ugovora o volonterskom radu sa Admirom Peleš Memišević, volonterom u Kancelariji za pravnu pomoć Brčko distrikta BiH

Nakon obrazloženja, Komisija jednoglasno donosi sljedeće

Rješenje

Raskida se ugovor o volonterskom radu, zaključen između Admire Peleš Memišević, volontera u Kancelariji za pravnu pomoć Brčko distrikta BiH i Pravosudne komisije Brčko distrikta BiH, pod brojem: SuPK-01-753/25-I od 30.05.2025. godine, zbog imenovanja na drugu dužnost.

Ugovor se raskida zaključno sa danom 08.01.2026. godine.

13. Zaključivanje ugovora o radu na neodređeno vrijeme sa higijeničarkom u Pravosudnoj komisiji Brčko distrikta BiH

Nakon obrazloženja, Komisija jednoglasno donosi odluku o zaključivanju

Ugovora o radu
na neodređeno vrijeme sa punim radnim vremenom

između: Pravosudne komisije Brčko distrikta BiH, koju zastupa predsjednik Komisije Safet Pizović, i namještenika Daliborke Vujanović, kći Nediljka, iz Brčkog. Imenovana je dužna stupiti u rad dana 09.01.2025. godine.

14. Donošenje rješenja o prestanku radnog odnosa na određeno vrijeme, Daliborki Vujanović, higijeničarki u Pravosudnoj komisiji Brčko distrikta BiH

Nakon obrazloženja, Komisija jednoglasno donosi sljedeće

Rješenje

Daliborki Vujanović, higijeničarki u Pravosudnoj komisiji Brčko distrikta BiH, prestaje radni odnos na određeno vrijeme zaključno sa 08.01.2026. godine, zbog imenovanja na drugu dužnost.

15. Rang lista sa preporukom za izbor operatera-upisničara u Pravobranilaštvu Brčko distrikta BiH, na neodređeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor operatera-upisničara u Pravobranilaštvu Brčko distrikta BiH, na neodređeno vrijeme, na kojoj je Razija Šadić, Bošnjak, prvorangirani kandidat, sa ostvarenih 255 bodova.

16. Donošenje odluke o imenovanju referenta za upravljanje predmetima u Osnovnom sudu Brčko distrikta BiH, na neodređeno vrijeme

Nakon obrazloženja, Komisija je jednoglasno donijela

Odluku

Na radno mjesto „referent za upravljanje predmetima“ u Osnovnom sudu Brčko distrikta BiH imenuje se Mirela Pobrić, kći Velida, iz Brčkog.

Imenovana je dužna stupiti na rad dana 12.01.2026. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.463,08 KM (hiljadučetiristotinešezdesettri i 08/100 konvertibilnih maraka).

17. Razno

Sekretar Komisije informisao je članove Komisije da je Stručna služba, elektronskim putem, zaprimila dopis kojim se traži kandidovanje članova ispred Pravosudne komisije Brčko distrikta BiH koji će učesvovati u izradi seta Zakona o platama.

Konstatuje se da je Pravosudna komisija Brčko distrikta BiH, jednoglasno, donjela odluku da u izradi seta Zakona o platama ispred Pravosudne komisije Brčko distrikta BiH učestvuju Rade Mitrović, sekretar Pravosudne komisije Brčko distrikta BiH i Zoran Rakanović, šef Odjeljenja za zemljišnoknjižne poslove u Osnovnom sudu Brčko distrikta BiH.

Kako se niko nije javio za riječ, konstatuje se da je 275. redovna sjednica Komisije završena u 09,16 sati.

Zapisnik vodila
Nataša Kovač

Predsjednik
Pravosudne komisije

Safet Pizović